

Paul-ŋum Tuyuutai Titus-mun

¹ Tuyuutit ukua aggiqsut Paul-miñ savaktaaniñ Agaayyutim, uqqiraqtigiplugu Jesus Christ-ŋum. Agaayyutim piksraqtaagigaana ikayuquplugich ilaan iñuksraqtaani ukpiliquplugich sulilisauttutiqağlugich ilumutuungagun ukpiğusripta,

² tunŋaviqaqtuakun niğiugaqalikun isruitichuamik iñuukigmik. Agaayyutim saglutlaitchuam akiqsruğniğaatiğut taavrumiña iñuukigmik sivuani aullağniñhan piviksrauruam.

³ Aasrii nalaullapiaqlugu piviksraq sagviğaa taamna tusraayugaagiksuağmigun. Taatnaqtuksraquqluña savaaksritchaana, uvañaasrii uqağiplugu tillisaagun Agaayyutim Anniqsuqtipta.

⁴ Titus, aglaktuña ilipnun iğñaurapiamnun ukpiqsriħikun piqatigikkamnun. Agaayyutimtuq Aapauruam sulil Christ Jesus Anniqsuqtipta iħuaqqutikun qiniñniħisimaagumigaatin.

Titus-ŋum Savaana Crete-mi

⁵ Uvaña unitchikpiñ Crete-mun iħuaqsruquplugich sut iħuaqsrugaksrauruat taamani, sulil nalunaiqsitquplutin ukpiqtuanuruat qaukħisrañitħik nunaqqipayaani. Tillisitka itqağilugich,

⁶ qaukħisraqtaanuruag patchisaitchuksrauruq, anun atautchimik iħaqatiqağuni, sulil qitunğai ukpiqsriñulutiñ uqautausrunaqatiñ pitchiğiillugich tupiktaħikun.

⁷ Uqagtiksraqtaaq Agaayyutim savaanjanik anjalatchirusrauplugu patchisaitchuksrauruq, pisuligmigausrunaqani, uumitchaktangiguni unniiñ imiligaqtausrunaqani, qinnaktasrunaqani unniiñ killukun piqagugruasunaqani.

⁸ Ilaa tukkuḡiññaqsuksrauruq, piqpaksrinjuluni nakuuruamik, inmiñun anjalalguluni, nalaunjaluni, ipqilluni, sulig algaqsruutmik tuvrairuanjuluni.

⁹ Uqagtiksraqtaam payanairvigiraksragigaa uqautturini ukpigiraksrauruq sulig iviqtisrimaaqtuaq ilisauttutmun. Taatna ilitqusriqagumi ilaa pitchuksaagilgugisiruq atlanik ilumuturuakun ilisauttutikun, sulig qiniqtilgugisiyaa tanjigilqutaat akilliiruut uqaligmun.

¹⁰ Uvvatakkun iñugiaktut tupiguutaitchuut iñuich kinnitñikhutin atlanik nipiqaligmikkun kinniqilikun, suvaluk taapkua ilisautriruat iñuk nalunaitnutchiqsrauplugu annautrauniaqpan.

¹¹ Ilisauttutaat nutqaqtitaksragipiagiñ, takku ilinjisa akasrimagaich anayuaqagiich ilisautrihigmikkun ilisauttutigingilaaksragmiknik killukun piqagugruaqhutin.

¹² Crete-tagmiut ilanjat sivuniksriqiraat nipliḡñiqsuq, Crete-tagmiurguuq ataramik saglaturanuniplugich, niḡrugaaqluktun inniplugich, sulig iqiasruuplutin nigitlaturaunuplugich.

¹³ Aasrii taamna nipliun ilumutuupluni. Taatnaḡlugich iluakiksranatnun ilvich iñiqtiḡumigitin ipiksilugu, ilinjilli sayakturuamik ukpigusriñikkumuut,

¹⁴ itlungigutin Jew-nuruat unipchaalianitñunlu ilisauttutaatnunlu sulig iñuich tillisaatnun, ayyairuat ilumutuuhigmik.

15 Supayaaq ipqitchuq iñuñni ipqitchu-
maruani, aglaan ipqitchuanjitchuq
tamatkunani qaayuḡnaqtuani suli
ukpiqsriñgitchuani, takku ilinisa isrum-
matinjich suli qauḡrimmaagiutillautanjich
qaayuḡnaqsianiksimaplutin.

16 Ilinjich ilitchuqsrimanigaluaqhutin Agaayyutmik,
aglaan iñuuniałhata piłlaagigaa, ilinjich uumik-
tanikhutin, tupiktaiqhutin, iñiqtaqagumiñaiqhutin
nakuuruamik.

2

Nalaunjaruat Iłisauttutit

1 Aglaan ilvich ilisauttutigiraksraḡigĩ
ilisauttutiksraq ilumutuurautigun uqaliqtigun.

2 Uqautilugich utuqqanaaḡuqtuat anjutit
qauḡrimmaagiqulugich, isrumaugalgulutin,
ilinjitñik anjalalgusritqulugich. Iłumutuḡuḡutin
ukpiqsriłiḡmikkun, piqpaktaḡmikkun, suli
iglutuilḡusriłiḡmiktigun.

3 Taatnatuntuuq uqautilugich
utuqqanaaḡuqtuat aḡnat ukpiqtuam irrusrianik
piqaqulugich, sagluturuanjutqunḡillugich,
naagaqaa tigutarriutitqunḡillugich taanḡaḡmun,
ilisautritqulugich nakuuruakun,

4 atriraksrallautaḡuḡutin nutautluktuanun
aḡnanun piqpaksriłiksraḡatigun ilaqatiumiknik suli
qitunḡaḡmiknik,

5 inmiknun anjalalgusriłutin ipqıłikun suli
ilaqatausruqsıłutin kiñuniḡmi, tupiqsritłasriłutin
anjutiumiknik. Agaayyutimli uqalħa iñuich
suunjıllagıngitchumigaat.

6 Taatnatuntuuq pitchuksaaglugich nukatpiat anjalallautahiksrañatnun inmiknik.

7 Ilvillu supayaatigun atriraksrallautagugutin savaallautakun. Ilumutuḡullapiagutin suli piyum-matiqagutin ilisautriḡiqni.

8 Uqautriḡutin naḡḡuksruḡnaḡumiñaitchuakun, akilliḡisqutitin kannusrutlasriḡugich, pigiitchuakun nipiksraillutin uvaptigun.

9 Uqautilugich savaktaagruich tupiksritqulugich anjaayuqagmiknik suli quyalilugich sukupayaaq. Ilinich kiumakḡisuksraunḡitchut

10 unniin tigliktuḡvigiraksraḡinḡitchaich. Aglaan ataramik urriqsuqtaksraḡigaat nakuuḡiqtin suli qanutitanaiḡiqtin kamagikkauḡiksrañanun ilisauttutim Agaayyutikun Anniqsuqtiptigun suraḡalipayaaḡmikni.

11 Uvvatakku Agaayyutim ihuaqqutaa ilisimanaqsiruaq inupayaat anniqsuliksrñatnun.

12 Taavrumuuna ihuaqqutmigun Agaayyutim ilisautigaatigut agaayyutailaakuaqunḡitluta suli nunakualhum kimmutaaguaqunḡitluta, inuutqupluta uvaptiknik anjalalgusriḡluta, nalaunnjaluta, agaayyutiqaḡuta pakma uumani nunami,

13 taqqiḡlaptikni quvianaqtuamun uvluanun niḡiugaḡikkapta, kamanautaa kamañaqtuam Agaayyutipta Anniqsuqtipta Jesus Christ-nun sagviqpan.

14 Ilaa qaitchuaq inmiñik piqutigipluta, annautisraqhuta pigiitchuapayaamiñ suli pigiagutitqupluta inmiñulhiñaq, ipqiguta, piyummatiniguta nakuuruakun.

15 Tamatkua ilisauttutigiymigitin, atuglugich
 anjalatchiñiqni, pitchuksaagiqni suli
 algaqsruhatni tusraarivich. Nalliatnun-unniñ
 piinjillağipkasruñaqnak.

3

Ukpiqtuam Agaayyutikuagialiksraña

1 Itqaaqtuutilugich iñugikkatin
 maligutchiñiksrañatigun anjalatinik suli qaukligñik,
 tupiksriñikun ilinithik, itqanairrutitqulugu
 savaallautapayaaq.

2 Uqautilugich pigiilakun uqautik-
 sritqungilugich, aglaan qinuiyusrimaaglugich,
 ilauraaqnağlugich, suli ataramik agganairrutriñikun
 irrutriqulugich iñupayaanik.

3 Uvvaptuuqtakku qanikkaptikni kinniqipluta,
 tupiktaitluta, nalaunñaisimarugut, savak-
 siqsimaplugu kimiksriñiq quvianagikkañigun
 killuum qanusripayaatigun, iñuuniaqhuta
 uumiktakun suli siqñaktakun uumikkutipluta
 avatmun.

4 Aglaan Agaayyutim Anniqsuqtipta aggiqami
 piqpaksriñigmigun suli ihuaqputriñigmigun anniq-
 sugaatigut.

5 Uvagut savaaqallautahaptiguungitchuaq aglaan
 ilaan nagliksriñigmigun anitqiksitkaatigut salum-
 makkaukapta imigmik aasriñ Ipqitchuakun Ir-
 rutchikun qaitchipluta nutaamik iñuukigmik.

6 Uvvatakku Agaayyutim agliplugu qaitchigaa-
 tigut Ipqitchuamik Irrutchimik, uumuuna Jesus
 Christ-kun Anniqsuqtiptigun,

7 taavrumuuna ihuaqputaagun uvagut
 nalaunñasripkaqhuta Agaayyutmi, suli

piññaaktaagilugu isruit chuaq iñuuliq
niñiugañkakput.

⁸ Tarra taamna ilumutuuruuq nipliun. Uvaña ataramik uqaqugikpiñ tamarrumuuna nalupqis-ruutaigutin, iñuilli ukpiqsriuat Agaayyutmik ataramik kipigiyumuut piviqaqtihiksrañagun savaallautam. Taatnatchich savaallautat nalaunñarut suli ikayuutiksraurut iñuñni.

⁹ Aglaan piisimaagvigilugu isilgañlikun uqaksraq-tuñiq, immakñaqtatigun atiqtigun kanñiñiq, aiv-vatraliq, suli akimaniutrahigmiñ maliguksratigun qaisauruatigun Moses-kun. Tamatkua ikayuutaungitchut unniñ pitluktuñungitchut.

¹⁰ Malgugugluguunniñ algaqsruutiqağumiginiñ iñuk akatchiruaq avgumahigmik ilamiñi, suqutigitqis-runñaqnagu malinñugutillangitpan.

¹¹ Uvvatakkun ilisimaginiñ taatnasriq iñuk iluaqsruutaungitchuq suli killuqsautaiñ kanjqsimapkağagaat nalaungilhagun.

Ilisauttutit Aqulliich

¹² Qakugu tuyugiyupku Artemas naagaqaa Ty-chicus ilipnun, utlallaksapiagağumigikma Nikopolis-mun, takku sivuniqaqtuñ ukiisukhuña tarani.

¹³ Ikayuñniallapiagağumiikkiñ Zenas, maligutaksraliqirilu suli Apollos aullağniañhakni iglauiksrağmikhun, suli supayaamik inuñaiyallapiaglugik.

¹⁴ Ilisautilugich iñugikkavut piviqaqtitchihiksrañatigun savaallautamik, aasiñ piqaqtitchihutij atlat inugikkaniññik iqaisruktuasrunaqtan.

¹⁵ Iluqagmin piqasriqsuqtima nayaanḡaatin.
Nayaanḡaqmigivut ukpiqtuaqatiuvut. Agaayyutim
iluqqutaan iluqasri nayugumigaasri.

46cece15-9127-50b3-bf07-88a1082e7ab6